

ՀԱՅԿ ԵՆԳԻՐԱՐԵԱՆ

ՀԱՅՈՑ ՄԵԾ ՀԱՅՐԵՆԱԴԱՐՁՈՒԹՅՈՒՆԸ ՊԱՏՄԱԳԻՏՈՒԹՅԱՆ ՄԵԶ

Հայագիտության մեջ հայ ժողովրդի պատմության ուսումնասիրման անբաժանելի մաս է համարվում հայկական գաղթօջախների պատմությունը: Ստեղծվել են ինչպես առանձին, հիմնարար աշխատություններ՝ նվիրված հնդկահայ, պարսկահայ, եգիպտահայ, լեհահայ, սիրիահայ կամ, ավելի կոնկրետ, Ղրիմի, Նոր Նախիջևանի, Աստրախանի, Նոր Ջուղայի, Չալեպի, Քեսապի և հայկական բազմաթիվ այլ գաղթօջախների¹, այնպես էլ ակնարկներ ընդիհանուր գաղթօջախների պատմության վերաբերյալ: Այս առունով հիշատակելի են հատկապես Ա. Աբրահամյանի, Ա. Ալպոյաճյանի, Ս. Գասպարյանի և այլոց աշխատությունները², որոնցում առավել տեղ և ուշադրություն է հատկացվել այն բանին, թե ինչպես է ծևավորվել գաղթօջախը, պատմական ինչ դժվարություններ է հաղթահարել, քաղաքական և սոցիալական ինչ մարտահրավերների է դիմակայել, ինչ գործիչներ ու գործեր է տվել աշխարհին ու հայրենիքին: Ահա պատմագիտական այսպիսի աշխատություններում է, որ անդրադարձ է կատարվում նաև հայրենադարձությանը, երբ խոսվում է հայրենիք-սփյուռք կապերի մասին: Նման դեպքերում հեղինակները ներգաղթի վերաբերյալ երթեմն տալիս են շատ հպանցիկ տեղեկություններ այս կամ այն համայնքի շրջանակներում:

1946-1948 թվականների հայրենադարձությունը հայ պատմագի-

¹ Տես Թ. Խորամալեան, Պատմութիւն Հնդկաց, մաս 1-2, Կալկաթա, 1848-49, Խ. Թովմասեան, Հայր ի Հնդիկս Անգլիացւոյ և Յուլանտացւոյ, Վնտ., 1880, Յ. Փահլևանյան, Իրանահայ համայնքը (1941-1979 թթ.), Եր., 1989, Յ. Թոփուզյան, Եգիպտական հայկական գաղութի պատմություն (1805-1925), Եր., 1978, Ն. Միքայելեան, Եգիպտահայ գաղութը 10-15-րդ դարերում, Պեյութ, 1980 և այլն:

² Տես Ա. Աբրահամյան, Համառոտ ուրվագիծ հայ գաղթակարերի պատմության, հ. Ա, Բ, Եր., 1964, Եր., 1967, Ա. Ալպոյաճյան, Պատմութիւն հայ գաղթականութեան, հ. 1, 2, Կահիրէ, 1941, 1955, Ս. Գասպարյան, Սփյուռքահայ գաղթօջախներն այսօր, Եր., 1962:

տության մեջ անվանվում է նաև «Մեծ Հայրենադարձ»: Նման ծավալով ու թվաքանակով դեռևս աննախաղեա այս երևությը՝ դրական ու բացասական կողմերով, խորքային նպատակներով ու «Ենթատեքստով», տասնյակ հազարավորների նվիրական երազներով ու ակնկալիքներով, հուսալցումներվ ու տառապանքներով հանդերձ, մինչև օրս համընդհանուր և ամբողջական ուսումնասիրման չի արժանացել հայ պատմագիտության մեջ:

Խոսելով քննարկվող հարցի մասին՝ նախ և առաջ անհրաժեշտ է նկատել, որ մինչ օրս հայ եկեղեցու դերը մեծ հայրենադարձության գործընթացում ոչ պատմագիտական, ոչ էլ առավել ևս եկեղեցաքանական հետազոտությունների նյութը չի դարձել բացառությամբ որոշ մասնավոր դեպքերի՝ մի քանի էջերից բաղկացած փոքրիկ հոդվածներ, որոնցում հայ եկեղեցու գործունեությունը Մեծ հայրենադարձության ընթացքում քննվում է մասնակիորեն՝ կամ հայ առաջելական եկեղեցու, կամ էլ կարողի եկեղեցու տեսանկյուններից¹:

Պատմագիտության և եկեղեցաքանության մեջ երբեմն հանդիպում ենք ուսումնասիրությունների, որոնցում սույն թեման գլխավոր քննարկման առանցք չի դառնում, սակայն արձարձվում է, այսպես ասած, հարակից հայեցակետով: Դրանցից են իիմնականում գուտ պատմագիտական կամ էլ մասնակի դեպքերում ազգագրական ակնարկները, ինչպես, օրինակ, Ստեփան Ստեփանյանցի և Արմենուի Ստեփանյանի աշխատանքները²:

Մինչ այժմ 1946-1948 թթ. Մեծ հայրենադարձությունը պատմաեկեղեցաքանական ամբողջական հետազոտության չի ենթարկ-

¹ Տե՛ս Վ. Պողոսյան, Ա. Դավթյան, 1946-1948 թթ. հայրենադարձությունը և հայ առաջելական եկեղեցու գործունեությունը, «1946-1948 թթ. հայրենադարձությունը և դրա դասերը. հայրենադարձության իիմնախնդիրներն այսօր» համահայկական գիտաժողովի գեկուցումների ժողովածու, Եր., 2009, էջ 380-391, Լ. Յարությունյան, Ամենայն Հայոց կարողիկոս Գևորգ Զ. Չորեցյանի դերակատարությունը 1946-1948 թթ. հայրենադարձության կազմակերպման գործում, նույն ժողովածուում, էջ 372-379, Ա. Էլճանեան, Յայ կարողի պատրիարքաքանի դիրքը Խորհրդ. Յայաստանին, ներգաղթին և յայկական դատին հանդէա, «Կայճ» մատենաշար, թիվ 30, Պեյրութ, 1947:

² Տե՛ս Ս. Ստեփանյանը, Յայ առաջելական եկեղեցին ստալինյան բռնպետության օրոք, Եր., 1994, Ա. Ստեփանյան, ԽՍ դարի հայրենադարձությունը հայոց ինքնության համակարգում, Եր., 2010:

վել. այն մաս է կազմել է XX դ. ընդհանուր հայրենադարձության պատմության: Անդրադառնալով հայ պատմագիտության մեջ սկզբունքահայերի հայրենադարձության պատմությանը՝ պատմաբան Պետրոս Յովհաննիսյանը այն բաժանում է երեք փուլի: Առաջինը՝ 1920-1950-ական թվականներ, երբ սույն թեմային անդրադարձ է կատարվում հապանցիկորեն: Երկրորդ փուլն ընդգրկում է 1960-ական թվականներից մինչև 1980-ականների վերջը: Այս ընթացքում հայրենադարձության պատմության ուսումնասիրությունը դրվում է գիտական իիմքերի վրա, ի հայտ են գալիս մենագրական առաջին հետազոտությունները: Եվ վերջապես երրորդ փուլը՝ 1990-ական թվականների սկզբից մինչև մեր օրերը: Այս փուլի հայրենադարձությանը նվիրված հետազոտությունները տարբերվում են նախորդներից, քանի որ, կարելի է ասել, առավել օբյեկտիվ են շարադրված և չունեն գաղափարական, կուսակցական մոտեցումներ¹:

Խորհրդային տարիներին հայրենադարձության վերաբերյալ լույս տեսած հետազոտություններում հիմնականում շեշտը դրվում է հայրենադարձության նախապատրաստմանն ու իրականացմանն ուղղված խորհրդային իշխանությունների գործունեության վրա: Չնայած մասնակի բացառություններին՝ դրականորեն է ներկայացվում ողջ գործընթացը, և անտեսվում են բազմաթիվ ողբերգական երևույթներ: Այդ տարիներին ի հայտ են գալիս նաև հարցին որոշակիորեն առնչվող հետազոտություններ ու որոշ վիճակագրական աշխատանքներ²:

Հայրենադարձության պատմության ուսումնասիրման բնագավա-

¹ Տե՛ս Պ. Յովհաննիսյան, Հայրենադարձության պատմության պատմագրությունը, «1946-1948 թթ. հայրենադարձությունը և դրա դասեր...», Եր., 2009, էջ 32:

² Տե՛ս Ս. Խուդաբերյան, Սերգաղթը և գաղթականության բնակեցումը Յայաստանում, «Նոր ուղի», Ե., 1924, թիվ 6, էջ 121-131, Յ. Յակոբյան, Խորհրդային Յայաստան, Եր., 1929, Պ. Մակենցյան, Խանսենի գործն ու գիրքը, «Նոր ուղի», Ե., 1929, թիվ 1, էջ 347-351, Յ. Էլչիբեկյան, Վաստրուկանի հայեր Միջազգետքում և նրանց վերաբարձ Սովորական Յայաստան, «Տեղեկագիր», ՂՊ (հայարակ. գիրք), 1949, թիվ 2, էջ 17-26, վետական Յայաստան, «Տեղեկագիր», ՂՊ (հայարակ. գիրք), 1949, թիվ 2, էջ 17-26, Ա. Յակոբյան, Սովետական Յայաստանը ժողովրդական տնտեսության վերականգնման ժամանակաշրջանում, Եր., 1955, էջ 315-317, Ս. Վ. Խարմանդարյան, Արմանքանը ՀՀ Կ ու պահպանը գումարությունում, Եր., 1955, էջ 144-151:

ռում հսկայական աշխատանք է կատարել անվանի պատմաբան Յ. Մելիքսեթյանը գիտական պարբերական ներում հրատարակված հոդվածներով, երկու մենագրական աշխատություններով¹: Նա գիտական նոր հարթություն է տեղափոխում հայրենադարձության թեման: Առաջին գրքում՝ «Արևմտահայերի բռնագաղթը և սփյուռքահայերի հայրենադարձությունը Սովետական Հայաստան (1915-1940 թթ.)», խոսվում է զաղթական արևմտահայերի հայրենադարձության կազմակերպման ուղղությամբ Խորհրդային Հայաստանի ծավալած աշխատանքների, Սփյուռքի տարբեր կառույցների ու բարեգործական, հայրենակցական միությունների գործունեության, ինչպես նաև Ազգերի լիգայի քաղաքականության մասին:

Յ. Մելիքսեթյանի երկրորդ աշխատությունը՝ «Հայրենիք-Սփյուռք առնչությունները և հայրենադարձությունը (1920-1980 թթ.)» մենագրությունն է, որտեղ հեղինակը անդրադառնում է Հայրենիք-Սփյուռք առնչություններին և խորհրդային տարիներին կազմակերպված հայրենադարձության պատմությանը, ուսումնասիրվել են 1920-1980-ական թվականների հայրենադարձության երեք փուլերը՝ 1921-1936 թթ., 1946-1948/1949 թթ., 1962-1982 թթ.: Եթինակը խոսում է նաև ժամանակակից Սփյուռքի ծևավորման, զաղթականության հարցի լուծման առաջին ծերնարկումների, Ազգերի լիգայում հայ զաղթականության խնդրի և Նանսենյան ծրագրի մասին, ինչպես նաև անդրադառնում է Հայրենիք-Սփյուռք կապերի զարգացման և հայրենադարձության իրականացման ուղղությամբ Հայաստանի օգնության կոմիտեի գործունեությանը և հայրենադարձության նկատմամբ սփյուռքյան կուսակցությունների ու կազմակերպությունների դիրքորոշումներին և այլ հարակից հարցերի:

Յ. Մելիքսեթյանը սույն աշխատության մեջ գրում է, որ սփյուռքահայությունը, որքան էլ հայրենասեր ու ավանդապահ, դատա-

¹ Տե՛ս Յ. Մելիքսեթյան, Արևմտահայերի բռնագաղթը և սփյուռքահայերի հայրենադարձությունը Սովետական Հայաստան (1920-1980 թթ.), Եր., 1975, նույնի՝ Հայրենիք-Սփյուռք առնչությունները և հայրենադարձությունը (1920-1980 թթ.), Եր., 1985:

պարտված է անխուսափելի ուժացման և անհետացման, ուստի գաղութահայության փրկության միակ ու իրական ուղին հայրենադարձությունն է, մայր հայրենիքում ապրող հայության հետ վերաճիավորումը, ազգահավաքումը: Եվ ուրեմն, ո՞րն է պատճառը, որ պատմաբանը սփյուռքահայության հետագա գոյատևման նկատմանը ունի նման վերաբերմունք, չէ՞ որ կյանքը ցույց տվեց, որ Սփյուռքը լավ էլ կարողացել է պահպանել իր ազգային ինքնությունը, հատկապես Խորհրդային Սիության տարիներին սփյուռքահայերը առավել խոր ազգային ու հոգևոր գիտակցությանը են ապրել, քան Խորհրդային Հայաստանի իրենց հայրենակիցները: Մի՞թե այս կերպ Յ. Մելիքսեթյանը չի փորձել արդարացնել հայրենադարձության ողջ գործընթացը՝ անտեսելով ստալինյան քաղաքական ծրագրի հակամարդասիրական ուղղվածությունը: Բացի այդ, հայրենասեր Սփյուռքը ներգաղթում է անհատի նակարդակով, ուստի և խնդիր չունի Սփյուռքն ուժացնելիք փրկելու, այլ խնդիր ունի իր գլուխը պահելու, հետևաբար հայ մարդը ևս, որքան էլ գաղափարական լինի, ոչ թե կարգախոսներով է ապրում, այլ առօրեական հոգեներով:

Պետք է նշել նաև, որ հեղինակը շատ մեղմ է խոսում հայրենադարձության կազմակերպման ու իրականացման ժամանակ թույլ տրված սխալների ու թերությունների մասին՝ ներկայացնելով հայրենադարձության միայն դրական կողմերը, անտեսելով հայրենադարձների ընդունան և տեղափորման ժամանակ ի հայտ եկած բազում դժվարությունները, բնակարանների, կենցաղային տարրական պայմանների բացակայությունը, հայրենադարձների մեջ արտագաղթի տրամադրության առկայությունը և այլն, և այլն: Եթինակը հայրենադարձների մեջ նկատվող բացասական տրամադրությունները բացատրում է մասամբ կենցաղային ու աշխատանքային դժվարություններով, մասամբ էլ նոր պայմանների ոչ ճիշտ ընկալմամբ և բարձրացնում է խորհրդային իշխանությունների դերը այդպիսի երևույթների վերացման հարցում՝ նշելով, որ հանրապետության կուսակցական և խորհրդային դեկապար մարմինները լրացուցիչ գործնական միջոցառումներ են

ծեռնարկում հայրենադարձների աշխատանքային ու կենցաղային պայմանները բարելավելու, նրանց նկատմամբ ամենօրյա ուշադրություն, հոգատարություն ցուցաբերելու և նրանց շրջանում քաղաքական-դաստիարակչական աշխատանքները ուժեղացնելու ուղղությամբ: Անգամ ՀԿ(բ)Կ Կենտկոմի ագիտացիայի և պրոպագանիայի բաժնում ստեղծվում է հայրենադարձների շրջանում տարվող աշխատանքի սեկտոր¹:

Ըստ Ամատունի Վիրաբրյանի՝ Յ. Մելիքսեթյանը, ծանոթ չլինելով մի շարք արխիվային փաստարդերի, մասնավորաբն ՀԿ(բ)Կ Կենտկոմի առաջին քարտուղար Գր. Հարությունյանի կողմից Ստալինին և մյուս դեկավարներին հղած գրություններին, չի ներկայացրել հայրենադարձության կազմակերպման ճանապարհին ծագած մի շարք հարցեր²: Այնուհանդերձ պետք է նշել, որ հեղինակն օգտագործել է բավականին արխիվային նյութեր՝ ներկայացնելու համար հայրենադարձության ընդհանուր պատկերը՝ ըստ թվաքանակի և ըստ երկրների, չնայած որ այստեղ էլ որոշ դեպքերում հանդիպում ենք փոքր-ինչ այլ տվյալների: Օրինակ՝ ըստ Յ. Մելիքսեթյանի՝ 1946-1948/49 թվականների հայրենադարձների ընդհանուր թիվը 20646 ընտանիք է կամ 89750 մարդ, որը, սակայն, Չամլետ Սարգսյանը, հղում անելով Հայաստանի նախարարների խորհրդին առընթեր ներգաղթի կոմիտեի տվյալներին, ճշգրտում է՝ 20550 ընտանիք կամ 89770 մարդ³ (մի այլ տեղ՝ նշված է 89637 հոգի⁴, իսկ մեկ այլ տեղ՝ 20325 ընտանիք կամ 89665 մարդ⁵):

Քննելով 1946-1948 թվականների հայրենադարձությունը՝ Մելիք-

¹ Տե՛ս Յ. Մելիքսեթյան, Հայոցնիք-Սփյուռք առնչությունները և հայրենադարձությունը, էջ 222:

² Տե՛ս Ա. Վիրաբրյան, Հայաստանը Ստալինից մինչև Խորոշով, հասարակական-քաղաքական կյանքը, Եր., 2001, էջ 9:

³ Տե՛ս Յ. Սարգսյան, 1946-1948 թթ. հայրենադարձության աշխարհագրությունը և ժողովրարագրությունը, «1946-1948 թթ. հայրենադարձությունը և դրա դասեր...», Եր., 2009, էջ 56:

⁴ Տե՛ս <http://hayrenadardz.org/history/1948-2>

⁵ Տե՛ս «1946-1948 թթ. հայրենադարձությունը և դրա դասեր...», էջ 55:

սեթյանը շատ մակերեսային է խոսում հայրենադարձության գործում հայ եկեղեցու դերակատարության մասին՝ բավարարվելով միայն մի փոքրիկ պարբերությամբ, որ հայրենադարձությանն աջակցելու գործում խրախուսելի դիրքորոշում է ցուցաբերել նաև «Եջմիածնի Ամենայն Հայոց կաթողիկոսությունը», և որ Սովետական կառավարության որոշումը հայ առաքելական եկեղեցին ողջունում է սրտաբաց, խորին երախստագիտության անկեղծ զգացումով: Մելիքսեթյանը նշում է նաև, որ «Կաթողիկոսական տեղապահ¹ Գևորգ արքեպիսկոպոս Չորեքշյանը այդ առթիվ արտասահմանյան հայկական եկեղեցական թեմերի առաջնորդներին հղած կոնդակներում և ուղերձներում կոչ արեց գործարար կերպով օգնել ներգաղթի տեղական կոմիտեներին՝ հայրենադարձության նվիրական գործը կազմակերպված ծնով և հաջորդությամբ իրականացնելու համար»²: Այնուամենայնիվ, կարծում ենք, որ եկեղեցու մեծ դերակատարությունն ու այդ ուղղությամբ նրա վարած հսկայածավալ գործունեությունը սույն պատմական անցքերում գրեթե անտեսված են: Այնինչ հայ եկեղեցին է այն գլխավոր լժակը, որի միջոցով իրագործվում է Մեծ հայրենադարձությունը, քանզի հայկական բոլոր համայնքներում հենց եկեղեցին է իր հեղինակությամբ ու ազդեցությամբ որպես հայապահանության գլխավոր կենտրոն ու հայրենիքի հետ կապող օղակ ի գորու եղել գլխավորելու նման վիթխարի տեղաշարժ:

Անդրադառնալով հայրենադարձության նկատմամբ տարբեր դիրքորոշումներին՝ Յ. Մելիքսեթյանը քննադատության է ենթարկում ՀՅԴ-ի և հայ կաթողիկ եկեղեցու պատրիհաքը կարդինալ Աղաջանյանի՝ ներգաղթի դեմ ծավալած քաղաքականությունը: Հատկապես մեջքերելով կարդինալ Աղաջանյանի՝ հայ կաթողիկ համայնքին ուղղված 1946 թվականի հուլիսի 6-ի «Թուղթ հովվական»

¹ Հարկ է նկատել, որ այդ ժամանակ Չորեքշյանը արդեն ընտրվել էր Ամենայն Հայոց կաթողիկոս (1945 թվականի Ազգային-եկեղեցական ժողովի հունիսի 22-ի նիստում) և այլև կաթողիկոսական տեղապահ չէր:

² Տե՛ս Յ. Մելիքսեթյան, Հայոցնիք-Սփյուռք առնչությունները և հայրենադարձությունը (1920-1980 թթ.), էջ 187:

կոնդակը¹, որով կարդինալը հորդորում է իր հոտին չներգաղթել խորհրդային Հայաստան այնտեղ տիրող կրոնական անազատության պատճառով, Մելիքսեթյանը անհման քննադատում է կաթոլիկ պատրիարքի հականերգաղթյան գործունեությունը՝ այդ նպատակով տարբեր կարծիքներ ու դիրքորոշումներ մատնանշելով: Այս առումով Մելիքսեթյանը անդրադառնում է նաև Սիրիայի Բարձր Ձեզիրեի և Եփրատ նահանգների հայ կաթոլիկ եկեղեցու պատրիարքական փոխանորդ Կյուրեղ Եպիսկոպոս Զոհրապահի գործունեությանը²: Ակնհայտ է, որ Յ. Մելիքսեթյանի տեսակետը բխում էր միայն խորհրդային իրականությունից:

Ինչպես նշեցինք, խորհրդային պատմագիտության մեջ երբեք էլ համակողմանի քննության չի ենթարկվել հայոց հայրենադարձության թեման, չեն մատնանշվել ներգաղթի կազմակերպման ու իրականացման ժամանակ թույլ տրված սխալներն ու թերությունները՝ բազմաթիվ բացասական երևույթների ուղղեցությամբ, տասնյակ հազարավոր ներգաղթյաների տառապանքները, հիմաստափություններն ու արտագաղթի տրամադրությունները: Չնայած այդ տարիներին ավելին պահանջել երկի հնարավոր չեր, որովհետև խորհրդային երկիրը չէր հանդուրժում որևէ քննադատություն:

Հայաստանի անկախացումից հետո, երբ արդեն վերանում է խորհրդային կուսակցական գաղափարախոսությունը, վերանում է նաև խորհրդային գրաքննությունը. հիմնահարցի ուսումնասիրնան առումով հայ պատմաբանների ու հետազոտողների համար ալևս ի չիք են դաշնում բոլոր կապանքները:

Եվ ահա հայոց հայրենադարձությունը սկսվում է նորովի ընկալվել, ի հայտ են գալիս որոշ հետազոտությունները³, ինչպես նաև

¹ Տես Կարդինալ Գրիգոր - Պետրոս Աղաճանեան, Զայն Յովուական, Վենետիկ - Ս. Ռազմար, 1967:

² Տես Յ. Մելիքսեթյան, Հայրենիք-Սիյուուր առնչությունները և հայրենադարձությունը (1920-1980 թթ.), էջ 349:

³ Տես Յ. Սարգսյան, Արևմտահայերի գաղքը Արևելյան Հայաստան, «Հայոց ցեղասպանությունը» (ուսումնասիրություններ), Երևան, 2001, էջ 128-167, Ա. Աղաջանյան,

հարցին մասամբ վերաբերող աշխատանքներ¹, որոնցում հայրենադարձությունը ուսումնասիրվում և ներկայացվում է առկա բացասական կողմերով համդերձ:

Դարձ է նշել նաև է. Դանիելյանի և Կ. Դայրապետյանի՝ արևմտահայ գաղթականության տարաբնույթ խնդիրներին նվիրված հետազոտությունները², որոնք հիմնականում կատարվել են անկախացումից հետո:

Հայրենադարձության թեմայի և Հայկական հարցի ուսումնասիրության առումով կարևոր է ներկայացնել նաև պատմաբան Նորիկ Սարգսյանի աշխատանքները, որոնք հեղինակը կատարել է ինչպես խորհրդային տարիներին, այնպես էլ անկախացումից հետո: Պետք է նշել, որ «ՀԿԿ գործունեությունը սփյուռքահայերի հայրենադարձության կազմակերպման և նրանց սոցիալիստական շինարարության մեջ ներգրավվելու ուղղությամբ (1946-1948)» խորհրդային տարիներին լույս տեսած հոդվածում Ն. Սարգսյանը բացառապես դրական վերաբերմունքով է ներկայացնում հայրենադարձության կազմակերպման, ներգրագրողների ընդունման և տեղափորման ողջ գործընթացը՝ անտեսելով եղած ընդունման և տեղափորման ողջ գործընթացը՝ անտեսելով եղած

Հայրենադարձություն. իրավական ապահովման և արդյունավետ իրականացման հարցեր, «21-րդ դար», «Խորավանք» գիտակրթական հիմնադրամի հանդես, թիվ 11 (11), Երևան, 2006, էջ 53-81, Ա. Ստեփանյան, Յ. Սարգսյան, Իրանահայերի ներգաղըն ու վերաբնակեցման խնդիրները (1946-1970-ական թվականներին), «Պատմա-քանասիրական հանդես», 2009, թիվ 1, էջ 43-54, Ա. Կունդակյան. Հայրենադարձների ընճանշումները ստալինյան ժամանակաշրջանում, Երևան, 2010:

¹ Տես Յ. Ջակոբյան, Հայրենիք վերադառնալու օգանակարը և ժամանակակից միջազգային իրավունքը, Երևան, 2000, նույնի Հայրենիքն իրու պատական կատեգորիան. տարագրություն և հայրենադարձություն, «Պատմա-քանասիրական հանդես», 2001, թիվ 2, էջ 143-163, նույնի Հայության հայրենիք վերադառնալու պահանջի պատմական և իրավական հիմքերը, Երևան, 2002, և այլն:

² Տես Է. Դանիելյան, Արևմտահայ գաղթականության հարցը Սովետական Հայաստանում, «Հայաստանում սովետական իշխանության հաստատման և ամրապնդման պատմության մի քանի հարցեր», Ժողովածու, Երևան, 1987, էջ 226-257, Կ. Դայրապետյան, Հայաստանի խորհրդայնացման մայիսյան փորձը (1920 թ.) և արևմտահայ գաղթական հանդերը, «Լրաբեր» ՀԿԿ (հասարակ. գիր), 1990, թիվ 10, էջ 9-18, նույնի փախստականները, «Լրաբեր» ՀԿԿ (հասարակ. գիր), 1990, թիվ 10, էջ 9-18, նույնի Փախստականները և կատարման պետական քաղաքականության օրենսդրական ձևակերպումը Հայաստանի Հանրապետությունում (1918 թ. սեպտեմբեր-հոկտեմբեր), «Պատմա-քանասիրական հանդես», 2004, թիվ 1, և այլն:

բազմաթիվ թերություններ: Այնուամենայնիվ Ն. Սարգսյանն իր հետագա ուսումնասիրություններում առավել օբյեկտիվ գնահատականներ է տալիս հայրենադարձության կազմակերպման խնդիրներին: Այս առումով հատկապես ուշագրավ են անկախացումից հետո հեղինակի կատարած մի շարք ուսումնասիրություններ, որտեղ Ն. Սարգսյանը արդեն մատնանշում է հայրենադարձության կազմակերպման գործի բացըողումներն ու շինարարության ոլորտում թույլ տված սխալները՝ նշելով, որ թույր միջոցառումները դատապարտված են ծախողման¹:

Դարձ է նկատել, որ հեղինակը, խոսելով 1946-1948 թթ. զանգվածային հայրենադարձության նախապատրաստական աշխատանքների մասին, անդրադառնում է, թեև շատ հպանցիկ, նաև հայ եկեղեցու դերակատարությանը, ինչպես նաև ներգաղթի նկատմամբ հայ կարողիկ եկեղեցու առաջնորդ կարդինալ Աղաջանյանի վերաբերմունքին:

«Հայրենադարձության նախապատրաստական աշխատանքներում իրենց ծանրակշիռ ու հեղինակավոր դերն ունենալ է ջմիածնի և Անթիլիասի հայոց Եկեղեցիները: Եթե Բեյրութում չիմանային ու լավ չպատկերացնեին, թե ԽՍՀ-ում ինչ է սպասվում Սփյուռքի հայերին, ապա էջմիածնում դժվար թե չիմանային, որ հայրենադարձների հիմնական մասը հարկադրաբար հավատափոխ է արվելու, աստծո փոխարեն նրանք ստիպված կլինեն պաշտել Ստալինին, իսկ քրիստոնեության փոխարեն՝ մարքսիզմ-լենինիզմ: Այսքանով հանդերձ Ամենայն Հայոց Կարողիկոս Գևորգ Զ-ն իր կոչերում է. Հայաստանը համարում էր շենշող երկիր ու հայության փրկության փարոս»², - գրում է Ն. Սարգսյանը:

Նորիկ Սարգսյանը իր մեկ այլ հոդվածում³, անդրադառնալով

¹Տես Ն. Սարգսյան, Սփյուռքահայերի 1946-1948թթ. զանգվածային հայրենադարձության նախապատրաստումը, «Բանքեր Երևանի համալսարանի», 1996, թիվ 3, էջ 9:

²Նույն տեղում:

³Տես Ն. Սարգսյան, 1945-1953 թթ. ԽՍՀ-ի կողմից Թուրքիայից հայկական տառածների պահանջը որպես Հայկական Հարցի լուծման խոչընդոտ, «Պատմություն և նշակույթ» հայագիտական հանդես, 2011, համար Ա, էջ 220-229:

1945-1953 թթ. ԽՍՀ-ի կողմից Թուրքիայի հայկական տարածների պահանջի խնդրին, նշում է, որ այդ տարածքների պահանջն իրականում կապ չունի Հայկական հարցի հետ, քանզի, ըստ հեղինակի, այն առնչվում է միայն Հայոց ցեղասպանության միջազգային ճանաչմանը, և հայկական տարածքների պահանջատիրությունը Ստալինի համար ուղղակի սակարկման առարկա է դարձրել, որպեսզի սևծովյան նեղուցներում նոր տարածքներ ստանա: Ն. Սարգսյանը նշում է, որ 1945 թվականի Պոտսդամի կոնֆերանսում երևում է, որ ԽՍՀ-ը լուրջ չի մոտենում հայկական տարածքների պահանջին: «Եթե Մոլոտովը Թուրքիային ներկայացվող պահանջները գրավոր հանձնում է Ու. Չերչիլին և Տրյումենին, հասկացնում է, որ եթե իրենք նեղուցների հարցում լեզու գտնեն թուրքերի հետ, ապա դրանով ել կրավարարվեն»⁴, - գրում է Ն. Սարգսյանը:

Շեղինակը անդրադառնում է նաև որոշ պատմաբանների այն տեսակետին, ըստ որի՝ Ստալինը Հայկական հարցի լուծման համար հետևողական էր: Օրինակ, Լ. Խուրշույյանի կարծիքով, Ստալինը Հայկական հարցում հետևողական էր, և պահանջելով Թուրքիայից վերադարձել հայկական տարածքները՝ Ստալինը, այնուամենայնիվ, մտադիր էր դրանց մի մասը նվիրաբերել Վրաստանին⁵: Իսկ եղ. Մելքոնյանը գրում է. «Ղա եզակի և իր նախադեպը չունեցող երևույթ էր, եթե Ստալինի ծրագրերը համահունչ էին հայ ժողովրդի ազգային շահերի և նպատակների հետ»⁶: Այս Ն. Սարգսյանը հակադրվում է վերոնշյալ տեսակետին՝ նշելով, որ «Եթե մենք հավատանք, որ Ստալինի ու հայության հույսերը պատմության որոշակի փուլում համընկել ու համահունչ են եղել, ուրեմն պիտի վերանայենք 1917-1921 թթ. նրա հակահայկական գործունեությունը»⁷: Այնուհետև Ն. Սարգսյանը,

¹Նույն տեղում, էջ 221:

²Տես և Լ. Խուրշույյան, Հայկական հարցը, Եր., 1995, էջ 58:

³Եր. Մելքոնյան, Հայկական բարեգործական ընդիանուր միության պատմություն, Եր., 2005, էջ 353:

⁴Ն. Սարգսյան, 1945-1953 թթ. ԽՍՀ-ի կողմից Թուրքիայից հայկական տարածքների պահանջը որպես Հայկական Հարցի լուծման խոչընդոտ, համար Ա, էջ 222:

առաջ քաշելով բազմաթիվ փաստարկներ, հիմնավորում է իր այն տեսակետը, որ 1945-1953 թթ. Թուրքիայից ԽՍՀՄ-ի տարածքային պահանջները ոչ մի առնչություն չունեն Հայկական հարցի հետ և խոչընդունել են դրա արդարացի լուծմանը:

Հայոց հայրենադարձության քննության առումով կարևոր են ազգագրագետ Արմենուիկի Ստեփանյանի կատարած հսկայածավալ ուսումնասիրությունները: «XX դարի հայրենադարձությունը հայոց ինքնության համակարգում» մենագրության մեջ¹ հեղինակը առաջին անգամ հայրենադարձության երևույթը դիտարկում է ազգաբանական տեսանկյունից՝ պատմազգագրական հետազոտության ենթարկելով XX դարի հայրենադարձությունը հայոց ինքնության համակարգում: Աշխատանքում քննարկվում են հայրենադարձության փուլերը, ներգաղթածների ու տեղաբնակների փոխընկալումները, կենցաղամշակութային փոխներթափանցումները, ներգաղթի հարմարվելու ու ինտեգրման գործընթացները, նոր պայմաններում նորեկների ինքնության փոփոխությունները: Դեղինակի ուշադրությունը գրավում են հատկապես ներգաղթածներից ստացած տեղեկությունները, որոնցում ի հայտ են գալիս հայրենադարձների հոգեկան ապրումները, նրանց տառապանքներն ու գրկանքները, տեղաբնակների հետ հարաբերվելու առանձնահատկությունները, ինչպես նաև ներգաղթածների նկատմամբ անվստահության մեջուրտի առկայությունը: Արմենուիկի Ստեփանյանը հայրենադարձության ողջ գործընթացի ուսումնասիրությունը ներկայացնում է խորհրդային իրականությունում գոյություն ունեցած սարսափելի երևույթների վերհանումով, որոնք իրենց ազդեցությունն են թողնում հայրենադարձների պատկերացումների ու ընկալումների վրա:

Կարևոր է նշել, որ հայերի հայրենադարձության թեմային անդրադարձ են նաև օտար հեղինակներ, ինչպես, օրինակ, տնտեսա-

գետ, լրագրող, դիվանագետ, 1946-1948 թթ. Նյու Յորքում ԽՍՀՄ գլխավոր հյուպատոս Յակով Լոմակինը²: Անդրադանալով 1946-1948 թթ. հայրենադարձությանը՝ նա նշում է, որ հայրենադարձության խնդիրը դրականորեն լուծվեց, որովհետև համընկնում էին հայերի հողային պահանջատիրության և Ստալինի կայսերապաշտական ծրագրերը: Լրագրող Կիրիլլ Նովիկովը «Խորհրդային Միությունում հայերը իրենց վիրավորված են գգում»² հրապարակման մեջ անդրադանում է XIX դարի Վերջին և XX դարում հայերի տեղաբաշխմանը, ինչպես նաև մեջբերում է ԽՍՀՄ ներքին գործերի նախարարության 1974 թ. մարտի 12-ի գեկույցից մի հատված, որում խոսվում է այն մասին, որ նախարարությունը քայլեր է ծերնարկում՝ կանխելու հայրենիքից հայերի արտագործելու տրամադրությունները:

1946-1948 թվականների հայրենադարձության հիմնախնդիրների ուսումնասիրնան առումով հատկանշական է 2008 թվականին ՀՀ սփյուռքի նախարարության նախաձեռնությամբ կազմակերպված «1946-1948 թթ. հայրենադարձությունը. հայրենադարձության հիմնախնդիրն այսօր» համահայկական գիտաժողովը, որտեղ կարդացված գեկուցումները հրատարակվեցին առանձին ժողովածուով՝ երեք տասնյակից ավելի հոդվածներով ու ուսումնասիրություններով³: Դրանցից կարելի է առանձնացնել պատմաբաններ Պ. Չովիանիսյանի, Էդ. Մելքոնյանի, Ա. Վիրաբյանի, Յ. Սարգսյանի պատմագիտական դիտարկումները: Պետք է նշել, որ գեկուցումներից մի քանիսը ինչ-ինչ պատճառներով չեն գետեղվել ժողովածուի մեջ: Քննվող թեմայի տեսակետից կարևոր է հատկապես նշել պատմագիտության դոկտոր Արքունի Սահակյանի ելույթը՝ նվիրված Մեծ հայրենադարձի եկեղեցաբանական քննությանը, որում առաջին անգամ բացահայտվում է ի. Ստալի-

¹ Տե՛ս Ա. Ստեփանյան, ՀՀ դարի հայրենադարձությունը հայոց ինքնության համակարգում, Եր., 2010, տե՛ս նաև Ա. Խորայելյանի գրախոսականը, «Պատմա-քանասիրական հանդես», 2011, թիվ 1, էջ 337-339:

² Տե՛ս Կ. Նովիկով, Արմենաց ազգային պատճառներում առաջարկությունները, Հայաստանի պատմագիտական պատճառները, Երևան, 2005:

³ Տե՛ս «1946-1948 թթ. հայրենադարձությունը և դրա դասերք...», Եր., 2009:

նի քաղաքական «բլեֆը». հայրենադարձությունը օգտագործել թուրքիային հողային պահանջ ներկայացնելով՝, թե՞ հողային պահանջն օգտագործել հայրենադարձություն կազմակերպելու համար: Այս երկիմաստ դիվանագիտական քայլը խորհրդային և արդի շատ պատմաբաններ հակված են մեկնաբանելու առաջին տեսակետի օգտին, իսկ եկեղեցաբանական մոտեցումն այլ բան է հուշում, ինչի մասին կխոսվի մեկ այլ հոդվածում:

Ուշադրության է արժանի նաև 2011 թվականին կայացած «Դայ գաղթականությունը և հայրենիք-սփյուռք կապերը 1918-1985 թթ.» խորագրով միջազգային գիտաժողովը, որտեղ հայրենադարձության հիմնախնդիրները ևս լուրջ քննարկման նյութ են դարձել¹:

Այսպիսով, հարկ է նշել, որ եթե հայոց Մեծ հայրենադարձության պատմության ուսումնասիրման առումով առկա են որոշակի պատմագիտական նվաճումներ, ապա նույնը չի կարելի ասել եկեղեցաբանական հետազոտությունների նասին: Այսինքն՝ հայ եկեղեցու դերակատարությունը Մեծ հայրենադարձության ընթացքում գրեթե անտեսված է, մինչդեռ հայրենադարձության զանգվածային իրականացումը հաջողվեց միմիայն հայ եկեղեցու շնորհիվ, քանի որ սփյուռքահայերին ոգևորել և խորհրդային Հայաստանով տոգորել կարող էր միայն եկեղեցին՝ որպես հայապահանության և հայության համախմբման գլխավոր երաշխավոր, և որի կոչերն ու հորդորմերն ընդունելի էին ամենուրեք:

Hayk Yengibaryan – The historiography of the Great Repatriation of Armenians –
The article presents the historiography of the 1946-1948 Great Repatriation and touches upon all the activities that are fully or partially related to the Great Repatriation. In the article, importance is attached to the fact that the role of the Armenian Church in repatriation is almost overlooked in historiography. Whereas there are certain achievements in historiography in terms of the study on the history of repatriation, the same cannot be said for ecclesiastical studies.

¹ Տես «Դայ գաղթականությունը և հայրենիք-սփյուռք կապերը 1918-1985 թթ.», միջազգային գիտաժողովի գեկուցումներ, Եր., 2011: